



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-3627-16/19

Datum: 03.12.2019.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 02.12.2019.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

o izboru najpovoljnijeg ponuđača

I

Najpovoljnija ponuda u predmetu nabavke radova "Rekonstrukcija i izgradnja objekta Dom zdravlja -ambulanta Novi Miljanovci, završni radovi i vanjsko uređenje" po cijeni bez PDV-a u inosu od 65.924,90 KM (slovima:šestdesetpethiljadadevetstotinadvadesetčetiri i 90/100 konvertibilnih maraka) odnosno sa PDV-om u iznosu od 77.132,13KM (slovima: sedamdesetsedamhiljadastotintridesetdvije i 13/100 konvertibilnih maraka) je ponuda ponuđača NEDJING doo Tešanj.

II

Ponuda je dostavljena u konkurentskom postupku, koji je objavljen na Portalu javnih nabavki dana 14.11.2019.godine pod brojem: 375-7-3-361-3-121/19, kriterij za dodjelu ugovora je najniža cijena.

III

Obavezuje se izabrani ponuđač (ako uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda BARA doo Tešanj se odbacuje kao formalno neispravna.

V

Za realizaciju Odluke zadužuju se Služba društvenih djelatnosti i investicija općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Rekonstrukcija i izgradnja objekta Dom zdravlja -ambulanta Novi Miljanovci, završni radovi i vanjsko uređenje" pokrenut je Odlukom o pokretanju postupka broj:02-49-1-3627-2/19 od 13.11.2019.godine. Odabran je konkurentski postupak, koji je objavljen na Portalu javnih nabavki dana 14.11.2019.godine pod brojem: 375-7-3-361-3-121/19, procijenjena vrijednost javne nabavke je 59.830,00KM a kriterij za dodjelu ugovora je najniža cijena.

U ostavljenom roku za dostavu ponuda pristiglo je 5 (pet) ponuda i to: ponuda HG doo Tešanj, ponuda NEDJING doo Tešanj, ponuda ARCON-in doo Zenica, ponuda INTER doo Tešanj i ponuda BARA doo Tešanj.

Komisija za javne nabavke imenovana rješenjem Općinskog Načelnika broj: 02-49-1-3627-5/19 od 19.11.2019. godine izvršila je dana 26.11.2019.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 4 (četiri) ponude formalno ispravno (sadržajno kompletne i ispravnog sadržaja), i da se kao takve mogu ocjenjivati u skladu sa zahtjevom za dostavu ponuda.

Komisija za javne nabavke je prilikom pregleda i ocjene ponude utvrdila da postoji računska greška u ponudi ponuđača ARCON-in doo Zenica te je ugovorni organ u skladu sa članom 17. stav 5. Uputstva za pripremu tenderske dokumentacije i ponuda (Sl.Glasnik BiH broj:90/14 i 20/15) aktom broj:08-49-1-3627-13/19 od 27.11.2019.godine dostavio ponuđaču ARCON-in doo Zenica zahtjev za prihvatanje ispravke računске greške. Ponuđač ARCON-in doo Zenica je svojim aktom broj:471/19 od 27.11.2019.godine (protokol općine broj:08-49-1-3627-14/19 od 28.11.2019.godine) dostavio saglasnost na ispravku računске greške.

U svrhu dokazivanja da ispunjavaju uslove za primjenu preferencijalnog tretmana domaćeg svi ponuđači su u postupku dostavili dokumentaciju kojom dokazuju preferencijalni tretman domaćeg, te je nastavljen postupak u pravcu zakazivanja E-aukcije jer je tenderskom dokumentacijom i predviđena E-aukcija.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 02.12.2019.godine od 10:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 02.12.2019.godine vidljivo je da NEDJING doo Tešanj kao ponuđač zauzima prvo mjesto na Konačnoj listi ponuđača koji su učestvovali u E-aukciji.

1. NEDJING doo Tešanj
2. INTER doo Tešanj
3. ARCON-in doo Zenica
4. HG doo Tešanj

Komisija je kod ocjene ponuda takođe utvrdila da ponuda BARA doo Tešanj nije formalno ispravno odnosno ista nije uvezana na način kako je propisano tačkom 14. tenderske dokumentacije naime ponuda je uvezana na način da je kroz istu provučen jemstvenik koji nije opečaćen pečatom ponuđača. Tačkom 14. tenderske dokumentacije je propisano da se "ponuda čvrsto uvezuje na način da se onemogućiti naknadno vađenje ili umetanje listova. Čvrsto uvezanom ponudom smatrat će se ponuda sa provučenim i opečaćenim jamstvenikom, odnosno uvezana na način da se onemogućava neovlašćena izmjena ponude (naknadno umetanje ili zamjena listova ponude)";

Takođe ponuda BARA doo Tešanj sadrži ovjerenu kopiju Potvrde SPARKASSE banke od 06.09.2019.godine kojom se dokazuje da glavni račun ponuđača nije blokiran u poslednja tri mjeseca. Potvrda banke nije prihvatljiva iz razloga što je ista izdata od strane banke 06.09.2019.godine a tačkom 13.2.1. tenderske dokumentacije tražila se dostava "obične kopije Potvrde banke (ne starija od 15 (petnaest) dana u odnosu na datum podnošenja ponude) kod koje ponuđač ima otvoren Glavni račun za poslovanje (na potvrdi naznačiti da se radi o glavnom računu za poslovanje), da račun nije blokiran u posljednja 3 (tri) mjeseca". Kako je potvrda banke datumski od 06.09.2019.godine a tenderskom dokumentacijom se tražila kopija potvrde banke koja nije starija od od 15 (petnaest) dana u odnosu na datum podnošenja ponude a kako je rok za podnošenje ponude bio 26.11.2019.godine to ponuda ponuđača BARA doo Tešanj smatra se formalno neispravnom.

Ponuda BARA doo Tešanj je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o

pregledu i ocjeni ponuda broj:02-49-1-3627-15/19 od 02.12.2019.godine), da se u predmetu javne nabavke radova "Rekonstrukcija i izgradnja objekta Dom zdravlja – ambulanta Novi Miljanovci, završni radovi i vanjsko uređenje", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača NEDJING doo Tešanj, odnosno kako je to navedeno u tački I ove Odluke, te da se sa istim zaključke ugovori u skladu sa ponudom i postignutom cijenom na E-aukciji za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač NEDJING doo Tešanj, za ponuđenu cijenu bez PDV-a u iznosu od 65.924,90 KM (slovima:šestdesetpethiljadadevetstotinadvadesetčetiri i 90/100 konvertibilnih maraka) odnosno sa PDV-om u iznosu od 77.132,13KM (slovima: sedamdesetsedamhiljadastotintridesetdvije i 13/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x5,
2. Služba društvenih djelatnosti i investicija,
3. Web stranica općine Tešanj, elektronski,
4. Predmet.

Huskić



OPĆINSKI NAČELNIK

mr.sci. Suad Huskić

